


Ч И Н Ъ


ОСВЯЩЕНІЯ ЗНАКОВЪ ОРДЕНА

СВЯТАГО ВЕЛИКОМУЧЕНИКА

И ПОБѢДОНОСЦА

Г Е О Р Г І Я.





протодіаконь : Благослови Владыко!

архіерей : Благословенъ Богъ нашъ :

ликъ : Царю небесный :

чтець : Трисвятое : Господи помилуй 12. Слава, и нынѣ : Приидише поклонимся 3.

По семъ поюшъ на обѣ спраны или чшущъ слѣдующій избранный псаломъ :



Возлюблю Тя Господи
крѣпосте моя : Господь
упроченіе мое, и при-
бѣжище мое, и избавишель мой.

Богъ мой, помощникъ мой, и упо-
 ваю на Него. Защишипель мой, и
 рогъ спасенія моего, и засшупникъ
 мой. Хваля призову Господа, и отъ
 врагъ моихъ спасуся: избавишь мя
 отъ враговъ моихъ сильныхъ, и
 отъ ненавидящихъ мя. И бысть
 Господь ушверженіе мое, и из-
 веде мя на широту, и избавишь мя,
 яко восхошь мя. Богъ мой, не-
 пороченъ путь Его: защишипель
 естъ всѣхъ уповающихъ на Него.
 Яко кто богъ развъ Господа; или
 кто богъ развъ Бога нашего; Богъ
 препоясуай мя силою, и положи не-
 пороченъ путь мой. Совершай
 нозѣ мои яко елени, и на высокихъ
 поставляай мя. Научай руцѣ мои
 на брань; и положилъ еси лукъ
 мѣдянь мышца моя. Уширилъ еси
 стопы моя подо мною, и не из-
 немогосшь плѣснѣ мои. Пожену
 враги

враги моя , и поспигну я , и не
 возвращуся , дондеже скончашюся.
 Оскорблю ихъ , и не возмогушъ
 спасти , падушъ подъ ногама
 моима. И препоясалъ еси силою
 на брань , спялъ еси вся воешающія
 на мя подъ мя. И враговъ моихъ
 далъ ми еси хребетъ , и ненави-
 дящія мя попребилъ еси. Возваша
 и не бѣ спасаей, ко Господу и не
 услыша ихъ. И изпню я , яко
 прахъ предъ лицемъ вѣтра , и
 яко брение пушей поглажду я.
 Избавиши мя отъ прерѣканія людей,
 поспавиши мя во главу языковъ.
 Людїе, ихъ же не вѣдахъ работаша
 ми , вѣ слухъ уха послушаша мя.
 Живъ Господь и благословенъ Богъ,
 и да вознесетъ Богъ спасенія
 моего. Богъ даяй ошмищеніе мнѣ,
 и покоривый люди подъ мя, избави-
 шель мой отъ врагъ моихъ гнѣв-

ливыхъ , ошъ воснающихъ на мя
 вознесеши мя , ошъ мужа непра-
 ведна избавиши мя. Препояши
 мечъ Твой по бедръ Твоей Сильне,
 и наляцы и уснѣвай , и царствуй
 истинны ради и крошоспи и правды,
 и наспавишъ Тя десница Твоя.
 Спрѣлы Твои изощренны Сильне ,
 людѣ подъ Тобою падушъ въ
 сердцѣ врагъ Царевыхъ. Сего ради
 исповѣмся Тебѣ во языцѣхъ Господи,
 и имени Твоему пою , величаяй
 спасеніе Царево , Господь помощ-
 никъ мой , и защишипель мой ,
 на Него упова сердце мое , и
 поможе ми. Господь ушвержденіе
 людей своихъ и защишипель спа-
 сеній Хрїста Своего естъ. Спаси
 люди Твоя , и благослови досто-
 яніе Твое и упаси я и возми я до
 вѣка.

Слава , и нынѣ : Аллилуїа 3.

По семь ектенія.

миромъ Господу помолимся ;
до о плавающихъ.

По шомъ глаголюся сїя прошенія.

О еже благословиши знаки сїя
воинскія , благословеніемъ Своимъ
небеснымъ , страшны же и ужасны
сїя врагомъ сошвориши : Господу
помолимся.

ликъ : Господи помилуй.

О еже вѣрнымъ Своимъ воинамъ
знаменія сїя носящимъ и на сїя
взирающимъ , духъ храбрости ,
бодрствіе и силу на сопреніе
крѣпости и пограніе дерзновенія
супоспашъ нашихъ , милоспивно
подаши. Господу помолимся.

О еже знаменіямъ симъ быши
возбудительнымъ къ храбрости и
великодушію , и исполниши весе-
ліемъ и радостію сердца , муже-

спвенно за вѣру и опечество
подвизавшихся: Господу помолимся.

ликъ: Господи помилуй.

О еже непреборимой и побѣ-
дительной всегда надъ враги быши,
Благочеспивѣйшей Самодержавнѣй-
шей Великой Государынѣ нашей
Императрицѣ ЕКАТЕРИНѢ
АЛЕКСѢЕВНѢ всея Россіи, и
Хрїстоименишому воинству на-
шему, и миръ и славу вселиши
въ земли нашей: Господу помо-
лимся.

ликъ: Господи помилуй.

О избавишися намъ: и прочая.

Возгласъ: яко Ты еси крѣпость
и ушверженіе людемъ Твоимъ и
Тебѣ подобаетъ всякая слава,
честъ и поклоненіе, Отцу и Сыну
и святому Духу, нынѣ и присно
и во вѣки вѣковъ. ликъ: Аминь.

Прото-

протодіаконь: Господу помолимся.

ликъ: Господи помилуй 3.

Архіерей чтесть слѣдующую молитву.

Всесильный и превѣчный Боже нашъ, Отче Господа Бога и Спаса нашего Іисуса Хрїста, Самъ сый всему міру Творецъ, и всея швари благословеніе, и побѣждающимъ крѣпость: призри милосердымъ Своимъ окомъ на насъ смиренныхъ и недостойныхъ рабовъ Твоихъ, и на молитву нашу; и сія знаменія, яже въ награжденіе подвиговъ и добродѣтели, и на дѣло благопоспѣшества въ брани и доспихенія мира пріугошова избранная Тобою Помазанница Твоя, благослови и освяти; яко да хранипельствомъ Твоимъ соблюдени, врагомъ пребудушь спрашны всегда

и ужасны ; вѣрнымъ же Твоимъ
 воиномъ на Тя надѣющимся извѣ-
 стное упованіе побѣды и крѣпость.
 Молишвами же свяаго великому-
 ченика и доблаго побѣдоносца
 Георгія и всѣхъ Свяаыхъ Твоихъ
 укрѣпленіи , и Ангелъ Твоихъ
 ополченіемъ ограждены суще да
 явшася рабомъ Твоимъ сихъ знаме-
 ній по мужесаву своему удоспоив-
 шимся , знаменія веселія и крѣ-
 постши , знаменія побѣды , сер-
 дечнаго благодушія и мужесва
 на супосашы. Ты бо еси Царь
 міра , и Богъ сокрушай брани
 и крѣпость дай уповающимъ на
 Тя , и Тебѣ славу возсылаемъ со
 едиороднымъ Твоимъ Сыномъ , и
 съ пресвяаымъ и благимъ и живо-
 шворящимъ Твоимъ Духомъ, нынѣ
 и въ безконечныя вѣки вѣковъ.

ликъ: Аминь.

По семъ Архіерей кропитъ знаки ордена
освященною водою , глаголя :

Благословеніе Бога въ Троицѣ
святѣй славимаго , Отца и Сына
и святаго Духа, окропленіемъ воды
сея освященныя да снидетъ и пре-
будетъ на знакахъ ордена святаго
великомученика и побѣдоносца Геор-
гїя и на носящихъ я, къ защищенію
и заспуленію испинны Хрістовы,
и въ побѣду на вся враги: во имя
Отца, и Сына, и святаго Духа ,
аминь.

Егдаже ЕЯ ИМПЕРАТОРСКОЕ ВЕЛИЧЕСТВО
возлагаетъ на Себя орденъ; тогда возгла-
шаетъ Протодіаконъ :

Благоденспвенное и мирное жи-
шїе, здравіе же и спасеніе , на вра-
ги же побѣду и одолѣніе, подаждь
Господи, Благочестивѣйшей, Само-
державнѣйшей, Великой Государынѣ
нашей



нашей императрицѣ ЕКАТЕРИНѢ
АЛЕКСѢЕВНѢ , всея Россіи , и
Наслѣднику Ея Благовѣрному Госу-
дарю Цесаревичу и Великому Князю
Павлу Петровичу, и сохрани Ихъ
на многа лѣта.

ЛИКЪ поешь: Многая лѣта. По семъ опустить.

